

清·方略館 編

清代 方略 全書

北京圖書館出版社



清代方略全書

一八六

清·方略館編

北京圖書館出版社

清·奕訢等撰

欽定平定陝甘新疆回匪方略

卷一九九——二一三

清光緒二十二年（一八九六）鉛印本

欽定平定陝甘新疆回匪方略卷一百九十九

己巳年

七月二十六日

丙申

山西巡撫李宗羲奏言晉省

當務之急首在河防沿河一帶經前署撫

臣

鄭

敦謹劃爲三段奏派大原鎮總兵王巨孝大同

鎮總兵馬陞署臬司李慶翱分段督防布置頗

爲周密第陝回出沒靡常設各路大兵跟蹤追

剿該匪窮蹙紛竄則晉省隨處可通必須添募

兵勇爲思患豫防之計查南路自禹門以下有水師十一營憑河堵禦當可得力惟吉州之龍王辿河津之禹門渡每屆冬令冰結成橋防守尤應嚴密現飭李慶翱嚴檄營官閻文忠等趕緊招募晉勇四千名限八月內成軍並調河東練勇三百名在吉鄉河津之間扼要駐紮中段則興臨等處河面寬廣賊難偷渡現仍令王巨

李國孝統帶南鎮官兵憑壘固守惟緣營額餉甚微

十一擬每兵每日加給銀八分以示體恤北路自河

榮營曲沔陽渡以北冬結堅冰至次年清明始解該

合李處止留精銳忠字兩營暨大同鎮兵一千二百

命軍名難敷分布目前張曜早經前進全恃宋慶一

軍屏蔽河曲屆時視賊所向如應添調兵勇以

資堵禦由臣察看情形再行辦理其口外地方

仍歸綏遠城將軍定安就近相機酌辦以一事
權奏入

上命軍機大臣傳諭李宗義曰前因回匪竄擾河西諭
令李宗義分飭在事將士加意嚴防茲據該撫奏稱
業經鄭敦謹抽派南鎮官兵並留精銳等營及水師
十一營分路駐紮所有河防分爲下段中段上段令
李慶翱等商酌辦理所奏各情尙屬周妥惟陝省北

境與晉省處處相通防守自難鬆勁中段興臨等處
河面較寬而南路吉州之龍王辿河津之禹門渡每
冬冰橋早結堵禦尤難卽著該撫飭令李慶翱嚴檄
閻文忠等招募晉勇四千名於八月內成軍並調河
東練勇二百名統交該臬司在吉鄉河津之間分段
扼紮以固南路現在賊竄鄂爾多斯旗境距陝之府
谷神木等邑不遠晉省北路如河曲沔陽渡等處尤

應嚴防如須添調兵勇亦必豫爲籌及勿致臨時周章晉省人多怯懦所募勇丁四千是否得力營兵於額餉外日加銀八分以示體恤原無不可惟須汰弱留強一兵得一兵之用斯爲餉不虛糜該撫其督飭李慶翱實力奉行勿負委任歸綏一帶仍當與定安等隨時籌防並知照張曜宋慶各軍與該處防剿等營互相聯絡俾壯聲援再兵之強弱轉移在將該省

現在有無得力將弁亦當隨時留意察看用資調遣

二十九日

己亥

定安桂成奏言准提督宋慶咨稱

賊蹤擾及烏紳各旗境內提督蔣東才當卽出
隊剿辦賊向鹽海子一帶竄去蔣東才派總兵
李寶林帶隊飛追該提督親率所部隨後接應
李寶林率隊疾馳四百餘里至鹽海子迤南之
透骨索布拉克地方該逆膽敢列陣抗拒維時

蔣東才步隊及副將劉鳳清馬隊亦先後趕到
內外夾擊賊勢不支紛紛向山南敗竄我軍追
殺二十餘里斃賊甚多生擒一百餘名訊據供
稱頭目馬老穆壽均被官兵槍斃惟李五舉率
餘匪向西南竄去河西尚有賊股常往磴口等
處掠糧等語頃又探聞賊蹤復竄至烏紳旗境
打虎旗一帶蔣東才復帶所部探剿宋慶亦派

親兵三營馳往援應臣等立即飛咨宋慶督飭

蔣東才等務將此股竄匪悉數殲除並咨會杜

嘎爾督飭達爾濟等各率所部聯絡宋慶張曜

兩軍節節進剿一面分飭沿河各軍加意嚴防

此次出力官弁兵勇可否擇尤奏獎出自

逾格鴻施奏入

上命軍機大臣傳諭定安桂成金順曰回匪竄擾鹽海

子一帶經提督蔣東才等追剿斃賊甚多現在復有
回匪竄至烏紳旗境打虎旗一帶蔣東才已帶所部
探剿宋慶又派三營前往會剿著卽飭令迅速前進
務將竄擾該處之賊痛加剿洗悉數殲除並咨會杜
嘎爾督飭達爾濟等各率所部聯絡宋慶張曜兩軍
確探賊蹤迅速兜擊毋任分股東趨河西賊股不一
常在磴口等處掠糧金順前由達拉特旗進發現在

行抵何處近日勦辦情形若何著懷遵疊次諭旨會同張曜等軍分投截勦妥籌策應歸綏沿河一帶定安仍當督飭各軍加意嚴防勿稍大意宋慶派員勦賊頗知緩急此次在鹽海子殺賊出力員弁著准其擇尤彙案保奏

八月初三日

壬寅

定安桂成奏言據張曜咨稱阿

拉善旗定遠營被圍六月二十九日派提督楊

春祥等與營總世祿委參領坤庫善率領馬步
各隊前進七月初九日行近定遠營該匪見援
軍大至倉皇退至南山之廣宗寺等處定遠營
重圍立解官兵長驅至廣宗寺世祿坤庫善各
營由西路進剿提督楊春祥副將郝永剛李福
貴各營由北面進剿前後夾擊斃賊甚多餘匪
越山逃竄我軍合力窮追距甯夏八十里始行

收隊陣斬僞元帥李存桂並生擒僞元帥馬占
安等三十餘名次日復進軍賀蘭山分投搜捕
臣等查甯靈一帶股匪出沒黃河兩岸屢次乘
閒窺伺定遠營張曜相距數百里之遙一聞該
處被圍立即撥隊赴援實屬不分畛域其楊春
祥等跟蹤追剿尤爲奮勇異常所有出力員弁
兵勇可否彙案請獎以昭激勸伏候

聖裁

定安桂成又奏言宋慶一軍駐紮神木縣皇甫
川一帶昨回逆由甯靈竄擾東路該提督已撥
兵進剿張曜一軍由後套進紮沙金托海攔截
回逆竄擾東北之路而又分兵赴援定遠營該
兩軍剿辦竄匪正當喫緊勢難裁減應需餉項
雖由河南撥解惟晉省尙有應解月餉相應請